



Senin, 17 Oktober 2022

Ogen: Rut 1:6-14



Rut Ras Orpa



Kenca anak-anak Naomi mate, Naomi tading ras dua kalak permainanna. Duana kalak Moap janah Naomi kalak Jahudi. Duana permenna e la bali i bas carana ersembah man Tuhan. Naomi nuruh maka duana permainanna e mulih ku rumah orangtuana sekala-sekalak janah meriah nge ukurna adi duana permainanna e erjabu ka mulihi. Mulana duana permenna e la nggit mulih, ersura-sura ia tetap ras bibina. Kenca ituriken Naomi terdauhen engkai maka isuruhna permainanna mulih, dungna teraloken permainanna duana. E maka Orpa muat keputusan mulih ku jabu orang tuana, sabap ietehna maka lit denga nge kari si terulin guna masa depanna. Tapi si Rut muat keputusan tetap ngikutken bibina. Engkai maka Rut ertahan la mulih? Erkiteken tangkas man Rut kai ertina kelawesen kalak si ikelengi bagi si ialamina i bas kelawesen perbulangenna, bage pe Naomi i bas kelawesen anakna e me perbulangen Rut. Janah Rut sedar maka Naomi labo terjeng si metuana tapi nggo bagi orangtua bana. E maka Rut pang ngerana "ku ja kam lawes, ku je aku, i ja kam ringan, i je aku ringan, bangsandu jadi bangsaku, Dibatandu jadi Dibatangku." I je teridah uga setiana Rut nandangi si metuana erkiteken lanai terjeng si metua tapi sekalak nande. E maka berkat me kalak enda ku kuta kemulihen Naomi. Teridah duana kalak enda jadi keluarga si sempabu. Lit nge i bas Moria la sempabu ras permainanna ntah pe si metuana? Usihlah Rut ras Naomi. I bas perdalanen kegeluhenna duana lalap ia ras Tuhan.

Nenry Ford ngatakensa, reh ku bas sada ingan ras-ras e pemenana denga, tetap ras-ras ndalani kegeluhen e sada kemajun, janah erdahin ras-ras e me sukses. Nggeluh enda perlu teman ras-ras, janah erdahin ras-ras guna encukupi keperluan nggeluh. Meriah tuhu adi banci sada perarih ndalani kegeluhen. Ras-ras ngenanami senang tah susah kegeluhen.